

P.U. (A) 287/2009

AKTA PASARAN MODAL DAN PERKHIDMATAN 2007

PERINTAH PASARAN MODAL DAN PERKHIDMATAN (PINDAAN JADUAL 5) 2009

PADA menjalankan kuasa yang diberikan oleh subseksyen 380(1) Akta Pasaran Modal dan Perkhidmatan 2007 [*Akta 671*], Menteri, atas syor Suruhanjaya, membuat perintah yang berikut:

Nama dan permulaan kuat kuasa

1. (1) Perintah ini bolehlah dinamakan **Perintah Pasaran Modal dan Perkhidmatan (Pindaan Jadual 5) 2009**.

(2) Perintah ini mula berkuat kuasa pada 3 Ogos 2009.

Pindaan Jadual 5

2. Akta Pasaran Modal dan Perkhidmatan 2007 dipinda dengan menggantikan Jadual 5 dengan Jadual yang berikut:

“JADUAL 5

[Subseksyen 213(1)]

Cadangan yang tidak menghendaki kelulusan

Kategori transaksi yang tidak tertakluk kepada kehendak subseksyen 212(4)

1. Menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, sekuriti oleh atau dijamin oleh—

(a) Kerajaan Persekutuan;

- (b) mana-mana Kerajaan Negeri; atau
 - (c) Bank Negara.
- 2. Penyenaraian suatu perbadanan atau sebut harga sekuriti di pasaran alternatif bursa saham.
- 3. Penerbitan sekuriti berhubung dengan cadangan di bawah subperenggan 212(2)(c)(i) atau (ii), kecuali bagi debentur atau sekuriti Islam.
- 4. Semua perdagangan sekuriti yang dilaksanakan—
 - (a) dalam pasaran wang;
 - (b) di pasaran saham sesuatu bursa saham yang diluluskan oleh Menteri menurut subseksyen 8(2); atau
 - (c) di mana-mana bursa lain di luar Malaysia yang diiktiraf di bawah kaedah-kaedah bursa saham.
- 5. Pelawaan atau tawaran untuk menaja jamin atau menaja jamin kecil sekuriti menurut suatu perjanjian penajajaminan.
- 6. Penerbitan atau untukan sekuriti kepada seseorang penaja jamin atau penaja jamin kecil menurut suatu perjanjian penajajaminan.
- 7. Menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, sekuriti suatu syarikat kepada anggota sedia ada suatu syarikat mengikut pengertian seksyen 270 Akta Syarikat 1965.

Syarikat luar pesisir dan perbadanan asing

8. Menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, sekuriti suatu syarikat luar pesisir sebagaimana yang ditakrifkan di bawah Akta Syarikat Luar Pesisir 1990—
 - (a) khusus kepada orang di luar Malaysia; atau
 - (b) kepada suatu syarikat luar pesisir lain atau syarikat luar pesisir asing sebagaimana yang ditakrifkan di bawah Akta Syarikat Luar Pesisir 1990.
9. Menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, sekuriti suatu syarikat asing sebagaimana yang ditakrifkan di bawah Akta Syarikat Luar Pesisir 1990 kepada suatu syarikat luar pesisir atau syarikat luar pesisir asing sebagaimana yang ditakrifkan di bawah Akta Syarikat Luar Pesisir 1990.
10. Menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, sekuriti, kecuali debentur, sekuriti Islam, unit amanah dan pelaburan ditetapkan, suatu perbadanan asing yang disenaraikan di suatu bursa di luar Malaysia yang diiktiraf di bawah kaedah-kaedah bursa saham menurut—
 - (a) suatu skim syer pekerja atau opsi syer pekerja;
 - (b) suatu terbitan bonus;
 - (c) suatu pengagihan syer baharu sebagai ganti dividen;
 - (d) suatu pengagihan syer yang dipegang oleh perbadanan asing dalam anak syarikatnya sebagai ganti kepada dividen; atau

- (e) suatu terbitan hak.
11. Menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, sekuriti, kecuali debentur, sekuriti Islam, unit amanah dan pelaburan ditetapkan, suatu perbadanan asing yang tidak disenaraikan di bursa saham atau suatu bursa di luar Malaysia menurut—
- (a) suatu skim syer pekerja atau opsyen syer pekerja;
 - (b) suatu terbitan bonus;
 - (c) suatu pengagihan syer baharu sebagai ganti kepada dividen; atau
 - (d) suatu terbitan hak yang tidak boleh dilepaskan.
12. Menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, sekuriti, kecuali debentur, sekuriti Islam, unit amanah dan pelaburan ditetapkan, suatu perbadanan asing yang disenaraikan di suatu bursa di luar Malaysia kepada seseorang yang tergolong dalam perenggan 7, 8, 9, 11, 12, 13 atau 14 Jadual 6 atau 7, mengikut mana-mana yang berkenaan, atau mana-mana orang lain sebagaimana yang ditentukan oleh Suruhanjaya di dalam mana-mana garis panduan yang dikeluarkan di bawah seksyen 377, dengan syarat—
- (a) bursa itu diiktiraf di bawah kaedah-kaedah bursa saham; dan
 - (b) pengedaran sekuriti itu dibuat oleh pemegang Lesen Perkhidmatan Pasaran Modal yang menjalankan urusan berniaga dalam sekuriti.
13. Menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, sekuriti sedia ada, kecuali debentur, sekuriti Islam, unit amanah dan pelaburan ditetapkan, suatu perbadanan asing yang tidak disenaraikan di bursa

saham atau suatu bursa di luar Malaysia kepada pemegang sedia ada sekuriti itu atau mana-mana orang lain sebagaimana yang ditetapkan oleh Suruhanjaya dalam mana-mana garis panduan yang dikeluarkan di bawah seksyen 377.

Pemerolehan dan pelupusan aset oleh perbadanan tersenarai

14. Pemerolehan atau pelupusan aset yang mengakibatkan perubahan yang signifikan dalam haluan perniagaan atau dasar suatu perbadanan yang disenaraikan di pasaran alternatif bursa saham.
15. Pelupusan aset yang mengakibatkan perubahan yang signifikan haluan perniagaan atau dasar suatu perbadanan yang disenaraikan di pasaran utama bursa saham.

Ekuiti dan sekuriti terbitan-ekuiti

16. Menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, sekuriti, kecuali debentur, sekuriti Islam, unit amanah dan pelaburan ditetapkan—
 - (a) suatu syarikat persendirian;
 - (b) suatu syarikat awam yang tidak disenaraikan di bursa saham dan tidak memohon untuk penyenaian di pasaran utama bursa saham;
 - (c) suatu perbadanan yang memohon untuk penyenaian di pasaran alternatif bursa saham; atau
 - (d) suatu perbadanan yang disenaraikan di pasaran alternatif bursa saham selain berkenaan dengan suatu pertukaran status penyenaian perbadanan itu kepada pasaran utama bursa saham.

17. Berkenaan dengan perbadanan yang disenaraikan di pasaran utama bursa saham—

(a) apabila perbadanan itu menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, sekuriti berkaitan dengan—

(i) perjalanan suatu waran, opsiyen atau hak melanggan boleh tukar, penukaran suatu nota boleh ubah atau syer keutamaan, atau penukaran suatu nota boleh tukar;

(ii) suatu hak berkenaan dengan suatu waran, opsiyen atau hak tanpa balasan;

(iii) pembahagian kecil atau penyatuan syer;

(iv) suatu skim syer pekerja atau opsiyen syer pekerja;

(v) suatu terbitan bonus;

(vi) suatu terbitan hak;

(vii) perjalanan penempatan secara persendirian; atau

(viii) mana-mana lain perjalanan aktiviti korporat lain di bawah kaedah-kaedah bursa saham sebagaimana yang ditentukan oleh Suruhanjaya,

kecuali—

(AA) bagi debentur, sekuriti Islam, unit amanah atau pelaburan ditetapkan; atau

- (BB) apabila perbadanan itu menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, sekuriti sebagai sebahagian cadangan yang tergolong di bawah perenggan 212(2)(f); atau
- (b) sebut harga sekuriti yang disebut dalam subperenggan (a) di pasaran saham suatu bursa saham.
18. Menjadikan tersedia, menawarkan bagi langganan atau pembelian, atau mengeluarkan pelawaan untuk melanggan atau membeli, waran berstruktur dengan syarat bahawa penerbit waran berstruktur itu mematuhi kehendak kelayakan yang ditentukan dalam garis panduan yang dikeluarkan oleh Suruhanjaya dan sebut harga waran berstruktur itu di pasaran saham suatu bursa saham.
19. Berkenaan dengan suatu perbadanan yang disenaraikan di bursa saham—
- (a) pengagihan syer perbendaharaan sebagai dividen; atau
- (b) pengagihan syer baharu sebagai ganti kepada dividen.
20. Pengagihan aset sebagai ganti kepada dividen oleh suatu syarikat awam yang tidak tersenarai di bursa saham.

Debentur dan sekuriti Islam

21. Penerbitan nota menurut suatu kemudahan penerbitan nota atau kemudahan pusingan penajajaminan sebagaimana yang ditentukan oleh Suruhanjaya.

22. Semua perdagangan dalam debentur jenis mata wang asing atau sekuriti Islam yang dilaksanakan mengikut cara sebagaimana yang ditentukan oleh Suruhanjaya.
23. Penerbitan debentur atau sekuriti Islam oleh suatu perbadanan kepada perbadanan yang berhubungan dengannya yang debentur atau sekuriti Islam itu hendaklah mengandungi terma yang melarang pemindahan debentur atau sekuriti Islam itu, mengikut mana-mana yang berkenaan, kepada mana-mana orang lain.”.

Dibuat 30 Julai 2009

[KK/BPKA/K1/S/483/128/1/1;PN(P^{U2})622/III]

DATO' SERI AHMAD HUSNI BIN MOHAMAD HANADZLAH
Menteri Kewangan Kedua